

**PEMBERITAHUAN PERTANYAAN DEWAN RAKYAT**

**PERTANYAAN : LISAN**

**DARIPADA : YB DATO' SERI ONG KA CHUAN  
[ TANJONG MALIM ]**

**TARIKH : 1 APRIL 2015 (ISNIN)**

**SOALAN :**

**YB Dato' Seri Ong Ka Chuan [ Tanjong Malim ]** minta **PERDANA MENTERI** menyatakan apakah langkah-langkah yang lebih cekap dan berkesan yang akan dilakukan oleh Kerajaan untuk menghadapi banjir yang lebih serius pada masa akan datang, sepertimana yang telah berlaku di seluruh negara baru-baru ini.

**JAWAPAN: YB. DATO' SERI DR. SHAHIDAN BIN KASSIM**  
**MENTERI DI JABATAN PERDANA MENTERI**

Tuan Yang di-Pertua,

Berdasarkan kejadian banjir yang telah berlaku tersebut, beberapa isu telah dikenal pasti dan memerlukan langkah penambahbaikan menyeluruh, antara lain, adalah seperti berikut:

- a) peningkatan kompetensi dan kemahiran kepimpinan dalam agensi dan jawatankuasa di peringkat Daerah, Negeri serta Pusat seperti kaedah perintah dan kawalan serta persediaan peruntukan perbelanjaan ketika banjir;
- b) pembangunan keupayaan sistem amaran awal yang lebih tepat dan berkeupayaan memberi amaran dalam tempoh masa yang lebih lama;
- c) peningkatan keupayaan aset dan logistik yang bersesuaian bagi penggunaan operasi mencari dan menyelamatkan dalam keadaan bencana ekstrem antaranya penggunaan bot-bot kecil dan berkeupayaan tinggi, *amphibious vehicle* serta helikopter yang berkeupayaan untuk beroperasi dalam situasi yang lebih serius;
- d) penempatan pegawai berkemahiran dalam pengurusan bencana terutama sekali di peringkat Daerah dan Negeri bagi memastikan bencana dapat diselaras dan dikendalikan dengan lebih berkesan; dan

- e) bagi tempoh sederhana dan panjang, Kerajaan akan membina projek-projek pencegahan banjir terutama bagi projek-projek yang mampu menghasilkan pendapatan seperti pembinaan empangan yang boleh menjana bekalan elektrik.

Selain itu, Kerajaan sedang mengkaji model terbaik pengurusan bencana yang dipraktikkan oleh beberapa negara yang sering dilanda malapetaka. Peraturan Tetap Operasi (PTO) Pengendalian Bencana Banjir dan Prosedur Operasi Standard (SOP) agensi pelaksana juga akan dikaji, disemak serta dikemaskini supaya agensi pelaksana berkeupayaan menghadapi situasi banjir ekstrem dan keadaan dimana air naik secara pantas.

Sekian. Terima kasih.